

- A N N O U F È ' Y -

**Man fè tousa man té pé, man éséyé  
Menm si délè man pa rivé, ni sa ki maché  
Annou fè tousa nou pé, fo éséyé  
Si nou lé kwè nou ké rivé, wi sa ké maché**

Nou ni an ti péyi, mé sé pa pou sa nou piti  
Dan pep-nou i ni moun ki vayan  
Ni moun ki paré pou ba'y douvan  
Asiré si'w bon an koté, épi bon volonté pou fè sa ou desidé  
Mi tousa ou révé, tousa ou anvi kréé ké pé réyalizé

**Ou fè tousa ou té pé, ou éséyé  
Menm si délè ou pa rivé, ni ki ja maché  
Annou fè tousa nou pé, fo éséyé  
Si nou lé kwè nou ké rivé, wi sa ké maché**

Nou ni kapasité, an pil koté nou ni kalité  
Pa douté, sav la ou pé aji  
Nou ni an péyi pou nou tout konstwi  
An tout nivo lékonomi nou tout-la pé sèvi pou fè kay-la grandi  
Pou tousa nou révé, tousa nou anvi kréé vin pa réyalizé

**Ou fè tousa ou té pé, ou éséyé  
Menm si délè ou pa rivé, ni ki ja maché  
Annou fè tousa nou pé, fo éséyé  
Si nou lé kwè nou ké rivé, wi sa ké maché**

Bien gadé, si'w pé di dan mizik nou ka fè bel bagay  
Nou sa sanblé lè sé pou travay.  
**Ansanm, nou toujou pli fò...**

**Si nou pé fè'y, annou fè'y, sé péyi-a ka konté  
Ou alé aprann, fo'w viré, ansanm nou ké avansé (x 2)**

Adan pep-nou i ni moun ki wo  
Adan pep-nou, i ni bon talan  
Yo di lunion ka fè lafos  
Épi lanvi, ek lénerji positif, ek linité  
Nou oblijé monté, nou oblijé vansé

**Si nou pé fè'y, annou fè'y, sé péyi-a ka konté  
Ou alé aprann, fo'w viré, ansanm nou ké avansé (x 2)**

An tout pep-nou i ni dé éro  
Adan pep-nou, i ni gran valè  
Si sé lunion ka fè lafos  
Si ni lanvi, ek lénerji positif, ek linité  
Nou ké rivé monté, nou ké rivé vansé

**Si nou pé fè'y, annou fè'y, sé péyi-a ka konté  
Ou alé aprann, fo'w viré, ansanm nou ké avansé (x 3)**

**Si'w alé OK  
Fo ou viré osi  
É lè ou lé Annou fè'y OK  
Man paré osi**